

اداره مخصوصه

درسعادتده باب عالی خاده سنده

محل اداره :

مشارف

۱۳۲۶

انتشار :

مسک منز موافق آثار جدید مع المنوبیه

قبول اولنور

درج ابدلین آثار احاده اولغاز

دین ، فلسفه ، ادبیات ، حقوق و علوم دین باحث هفته لق رساله در

مؤسسلری : ابوالعلا زین العابدین - ح . اشرف ادیب

درسعادتده نسخہ سی ۵۰ پاره در

تاریخ تاسیسی :
۱۱. نمرز ۳۲۴

قیرلہ دن مقوا بورو ابلہ کوندریلیرسه سنوی
۲۰ فروش فضلہ آلنیر

سنہ لکی	القی آیانی	درسه دتده
۶۰	۳۰	ولا یاتده
۸۰	۴۰	ملاک اجنبیہ ده
۸۰	۴۰	

درسعادتده پوسته ابلہ کوندریلیرسه ولایات بدلی با خندا ولنور.

عدد : ۳۱

۳ ربیع الاول ۳۲۷ پنجشنبه ۱۲ مارت ۳۲۵

ایکنجی جلد

درواس

[منظوم بر فقره نوبخی]

دیرلر : امویه دن هشامک

دورنده ، یاقیندرنده شامک

اوج ییل اکین اولامش قوراقدن .

جان قیدینه دوشمش آرتق عریان .

هرخیمه مزار اولوب قیامش :

آلتنده بش اون قدید اوزانمش !

باقش که مشایخ قبائل .

صیرلایه جق بودرد هائل :

برانجمن عقد ایدوب، دیمشله :

طوردنجه هلاکمز مقرر .

مادام شیوخی یز بوخلقک ،

قالقک کیدلم هشامه ، قالقک .

برطویسه خلیفه مز بوحالی ،

وار مرحت ایتک احتمالی .

هیج آق صقالله بر آلالی ییر

ایدرسه امیره حالی تصویر ،

کورمزی عبادی رحمه شایان ؟

سلطانسه طاش دکل یا : انسان !

تکلیفی قبول ایدر بوتون ناس

دیرلر : یالکمز بولونسه درواس .

سنا دها پک چوجوقدر اما

اولماز او قدر طلاق اصلا .

وقتا که کیر شیوخ شامه ،

درحال خبر کیدر هشامه :

دیرلر که بش اون قیلله کلدی .

دیر : کلیندر سرایه شیمدی .

برلکده چوجوق طالار حضوره ،

اولجه دعا ایدرده صوکره

دیباچه یاپوب کیر کلامه ..

لکن بوتخف کلیر هشامه :

دیر : صوص آچوجوق ، بویوک طورورکن

سوز صادر اولورمی هیچ کوچوکدن ؟

درواس اوزمان کلامی تکرار

تسخیر ایله دیر : نهدر بو آزار !

مقیاسیمیدر ذکاوتک سن ؟

درواسی چوجوقی ظن ایدرسین ؟

بردیکله ده صوکره کور چوجوقی ؟

انصاف نهدر، اوسزده یوقی ؟

بن سویلیه یمده بر افدم ،

صوصدورمق الکده در افدم .

درواس باقار ملکده سس یوق ..

مجلسده دکل که سس ، نفس یوق ،

معتادی اولان طلاقیه

باشلار سوزده اسکی شدتیه :

« اوج ییل متمادی قوراقلر ،

امثالی کوروله مش صیجاقلر

سامانمزی قوروتدی کیتدی ؟

مزروعاتک عمومی یتدی .

بیکلرله چادر قاپاندی قالدی ،

چول محشر موت شکلی آلدی !

برحالده در بوکون قبائل :

اک زنیکی اک برنجی سائل !

حاتملره جود ایدن اوعربان

نان باره ایچون بوکون ویرر جان !

چیپلاقلری کیدیرن کریمان

کزمکده باقک سفیل و عریان !

آچلق اچلک ظهیری اولدی :

باشدن باشه چول جسده طولدی .

هرکوشده بیک آجیقلی فریاد ..

یوق بریردن صدای امداد .

شیان بوتون اختیاره دوندی ؟

پیران بریا مزاره دوندی !

یوق والدهلرده سوت که طوتسون ،

اولادینی امزیروب اویتسون .

ظنم بزه منفعل که مولی :

بربادیه خلقی یاندی ، حالا

برطامله صو اینیور سماندن

شبنم بیله دوشمیور دعادن !

بیکلرجه دهایه بر اجابت

کوسترمدی بارگاه رحمت

آرتق سکا التجایه کلدک ،

رد ایتمز ایسه کرجایه کلدک ؟

کورمکده یز ای امیر عادل ،

انکاری بونک دکل یا قابل

یوق سنده کی نقد وماله پایان ..

بزلر ایسه بر بیغین سفیلان !

بر یانده دیمک که فضله وار چوق ؟

حیفا که او بر طرفده هیچ یوق .

اوله پسه براز توازن ایستر

اول بنی دیکله صوکره حق ویر :

اللهک ایسه اکر بو ثروت ،

بزلر که قولز خدایه ، البت

بر پای طلبنده حقمز وار ..

انصاف اوله ماز بو حقی انکار .

یوق ، خلقک ایسه اکر او اموال ،

ویر ، ایتمه حقوق غیری پامال .

یوق ، بویله ده اولیوبده کندی

مالک ایسه - چونکه فضله - شیمدی

بیوایه لره تصدق ایله ...

یوق ، دردنجیسی وارسه هایدی سویله !

مبهوت ایدرک هشامی صو ک سوز ،

حضاره دیمش : کلک بولک سوز !

یوق بنده جواب رده قدرت ..

حیرت بوجوان دهایه حیرت !

ایجاب ایدیورکه شیمدی انصاف :

مسئولی همان اولنسون اسعاف .

محمد عاکف

اخلاق اسلامیه دن برنبذه

فذلعفر وأمر

جميع ذرات موجوداته شامل اولان رحمت عامه سبحانه نك نوع

ممتاز بشره عائد جلائل آثار باهره سندن در که طینت بشرده ممزوج ،

خلقت اصلیه ده مودوع اخلاق بهیمیه نك تغلب و تحکمی جزایانه قابیلماق ،

حکمت حقیقه آفرینشدن اوزاقلاشماق مصلحت عظماسیله طریق

استقامتی ، جهت صوابی ارائه وتشویق ایدر روح وقلبی انوار صمدانیه

ایله منور ، اخلاقی مهذب پک چوق انبیا بعث وارسالنه عنایت ازلیه

سبحانیه شرفعلق ایتمشدر. انبیای کرام حضرتانک اشرف وافضلی ،

خاتمه واکلی بولسان ومن عندالله مؤید ومصدق و اخلاق حمیده ایله

متخلق اولان کریم الاخلاق والشم رسول عالی هم افندمز حضرتلری

تنویر بیوران اخلاق جمیلہ سی اخلاق اسلامیہ نیک اساسی تشکیل و فرعلی نی آنک اوزرینہ وضع و تمثیل بیور مشلر و [تغفو عن ظلمک] جملہ تفسیریہ سنہ اتباع و حسن تلقی بی بو وقعده دخی قطعی بر متانتہ فعلاً کو ستر مشلر در .

بروسه مبعوثی

الحاج عمر فوزی

روسیہ اسلامی

حالا اسراری کنہیلہ آ کلا شلمیان برشی وارسه اوده مربوطیتدر . مربوطیت اویله بر مجبر و حاکم مطلقدر که دائماً انسانلری کندی آرزوسی وجهله حرکت استدر . بتون افکار مللده رونما اولان جریانلرده بو مربوطیت عظیم تاثیرلر اجرا ایدر . بین البشر موجود روابط کثیره میانده کاهیتلیسی، اک حائز تاثیر اولانی ده رابطه دینه در . و بورابطه انسانلری اوقدر قبضه تسخیرینه آلمشدر که بو حسدن مجرد ممکن دکلددر . ایشته تاریخ و سیاست دولیه بوکاشاهددر . دور اخیرده بیله بوقیل پک چوق وقائع کورلمشدر . بر چوق سیاستلرک فعال عضولری سیای حقیقلری نی مقصدلری نی انسانیت نقابی آتیه کزایه رک صحنه آتیلمشلر وروللری نی اجرا ایلمشلر در . صحنه عالمده کورولن روللر ظاهر انسانیت نامنه و انسانیت نقطه سندن متشکل اشخاص طرفدن اجرا ایدلریکی مشهود اولور فقط اوزرندن نقابی رفع ایدنجه آلتدن برسیا و بر مقصد چیقار که آرتق اوسیا ، اومقصد سائق انسانیت ذکل بلکه مربوطیت دینیه اولدینی تبیین ایدر .

غریبه اولان بر فرنگک شرقده کی بر روم و یا خود برارمینک دور سابق منحوسک مظالمندن ناشی رفاه و سعادتلری نی تملکده کورنجه مداخله ایتمه سنه مستغریین زمره سی انسانیت نامی، مستشرقینلر سه بر کلاه قائم معناسنی ویرسه لرده ؛ اصل مداخله یه سائق مربوطیت دینیه در . زیرا انسانیت نامنه و مدنیت حاضر نیک توسعنه خدمت اوله ایدی او وقت الهم فالاهم قاعده سنه رعایت ایدرک ما کدونیا خریستانلرندن اول آسیای وسطی قوملر نده کابوس جهالت و مظالمندن واسط عصر سابقدن بری ایکلین ماوراء النهر اسلاملریک احواله باقی و ترقیاتنه چالشمق ایجاب ایدردی . حالوکه بوزوالیلر ، بوفلک زده لر - روسلرک ، اسلامیتک توسعندن قورقدوغندن طولانی - اویله بر متروکیته آتلمشدر که آرتق انسان بونلرک احواله طرز و معیشتلری نه بقارسه کندینی قرون وسطی ده ظن ایدر .

مربوطیتک نی بشرده حسن تاثیر اجرا ایتمه سی بر شینه ، وابسته در که اوده نی بشرک حسیات ملیه ایلله متحس اولمی واغراض شخصیه دن کندینی منع ایدرک درجه ده انوار مدنیتله منور الافکار اولمی در . عکسی حالده مربوطیت « الاقارب کالعمقارب » رنگنی آلور : هندستان قطعه جسیمه سنی فتح ایدرک او طرفده اسلامیتک انتشارینه سبب اولان و بتون ماوراء خزر و ترکستان اولیکلرینک حاکمی اوله رق جهانگیر نامی بحق قزانان تیمورک و بتون

کافه عوالم حقدده محض رحمت و شفقت اولق اوزره کوندرملریله ذات رسالتپناهیلری بالاده اشارت ایلدیکمز آیت جللیه نیک نزولنی متعاقب صاحب وحی مبین حضرت جبریل امین افندمزدن آیت مذکور نیک تأویل و تفسیر نی سؤال و طلب بیورملریله ناموس اکبر حضرتلری منزل قرآن خالق الکون والمکان جناب باری تعالی و تقدس حضرتلری نه بلر اجمعه اوکر نه رک عودتدر نده [یا محمد ان الله یا مریک ان تصل من قطعک و تعاطی من حرمتک و تغفو عن ظلمک] کلمات شریفه سینله آیت مذکوره فرقانیه یی تفسیر و ایضاح بیورمشلر در .

بروجه مشروح جانب اقدس الهیدن اخذ و تلقی ایلله تبلیغ ایلدیکی الفاظ مذکور نیک مالی : ای رسول عالیشان سکاظلم ایدنلرک قباحلرندن کچرک عفو ی ، و مناسب اولان معاونت و اعطاده قصور و سنی محروم ایدنلر بذل و عطای ، و سندن انقطاعله سنی ترک ایدنلر التفات و زیارتله مواصله یی الله تعالی حضرتلری محقق سکامر ایدیور دیمکدر . شو وجهله معناسی توجیه و ایضاح بیوریلان آیت جللیه مذکوره ایلله مأمور بیورلدقلری وجهله شفقت عامه نبویه لرلیه بتون خالق کنندیلرینه مفتون ایدن نی دیشان افندمزد حضرتلری افراد امت طرفلرندن وقوعه کتیریلن جرائم و تجاوزاته قارشو لایقله اخذنار و مجازاته اقتدار درکار ایکن ترک مؤاخذه معناسنه اولان عفو له معامله بیوریرلر . آنجق محرمات و ممنوعات دینه دن بری ارتکاب ایدن اولورسه اجرای معصیته و هتک حرمت شرعیه یه رضا کو ستر مزلردی .

اخلاق فاضله و سجایای نبویه لرندن بر نبذه اوله رق عفو دائر شرفظهور ایدن بر حال مبارک لر نی حاوی و وقایع عدیده دن بری ؛ وقعته آتیه در :

خدمت سنیه رسالتپناهی ایلله مشرف و ممتاز اصحابدن انس بن مالک رضی اه عنه حضرتلرندن روایت اولدینی اوزره برکون نزد سعادت ککش اعرابی رحمة للعالمین افندمزد حضرتلریک قالین و سرت یو کدن معمول عبا مقامنده کی کیمش اولدقلری مبارک لباسلریک طویلجه یاقاسندن طوتوب شدتله چکمسيله لباسک قاتیلغندن و شدتله چکلمه دن عنق سعادتلر نده اثر بیله حاصل اولمش . و بو معامله ایلله برابر الله بولنان اینکی دوهیه اشارتله ؛ شو دوهلری نزدکده بولونان اموال الهیه دن تحمیل ایت . زیرا سنک ویره جکک ، سنک و پدیریکک مالی دکلددر . مال جناب حقک مالیدر و بنده آنک قولی یم ؛ دیمه سنه مقابل ، نی ارحم و اشفق افندمزد هیچ حدت و شدت کو ستر میهرک بوفعل و تجاوزک قصاص اولونور دیه خطاب بیورملریله اعرابی اولونماز دیوب سینی سؤال ایتدکلر نده چونکه سز سینه و قباحته سینه ایلله مقابله بیورماز سکر . بولنده کی جواب استعطافی یه قارشو سید الکونین صلی الله علیه و سلم افندمزد کولیدیر و ممنون اولدیلر ده دوهنک برینه آریه و برینه خورما یوکه دلسنی امر بیور دیلر . نه بیوک عفو ؟ نه بیوک مرحمت ؟

ایشته عفو له معامله نیک حقیقی نوع بشره بر نبذه ارانه و تصویر و کمال اقتدارله برابر شفقت و تواضع بیعدیللری انوار یله قلوب عبادی